

Broj: 101-2914/26 DŽS

Zenica, 18.03.2026. godine

Primjenom člana 72. stav 3., tačka (c), člana 69., stav 2., tačke (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14, broj 59/22, broj 50/24), na Preporuku Komisije za nabavku broj: 501-2914-1/26 DŽS od 18.03.2026. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o poništenju postupka za nabavku zaštine opreme

LOT 2 – sredstva i oprema za zaštitu ruku, glave, očiju i lica, sluha i organa za disanje

I

Poništava se postupak javne nabavke za nabavku zaštine opreme, LOT 2 – sredstva i oprema za zaštitu ruku, glave, očiju i lica, sluha i organa za disanje, iz razloga određenih članom 69., stav 2., tačka (d), Zakona o javnim nabavkama („Službeni glasnik BiH“, broj 39/14, broj 59/22, broj 50/24).

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Odlukom broj: 101-14463/25 BS od 23.12.2025. godine pokrenut je postupak javne nabavke za nabavku zaštitne opreme, LOT 2 – sredstva i oprema za zaštitu ruku, glave, očiju i lica, sluha i organa za disanje, putem otvorenog postupka sa zaključenjem okvirnog sporazuma na period od 12 mjeseci. Procijenjena vrijednost javne nabavke za LOT 2 bez uračunatog PDV-a je 28.620,00 KM.

Radi provođenja postupka nabavke imenovana je Komisija za nabavku (u daljem tekstu: Komisija) Odlukom broj: 101-14868/25 AB od 23.12.2025. godine.

Dana 23.12.2025.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-608-3-254/25 objavljena je i tenderska dokumentacija. Rok za dostavljanje ponuda je bio 23.01.2026. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. COSPEX d.o.o.
2. MAX TRGOVINE d.o.o.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponuda,
- da nema neblagovremeno zaprimljenih ponuda 0 (nula),
- ukupno 8 (osam) ponuđača je preuzelo tendersku dokumentaciju i ispravku tenderske dokumentacije sa Portala javnih nabavki.

Komisija za nabavku je dana 26.01.2026. godine direktoru preduzeća dostavila Zapisnik o ocjeni ponuda broj: 501-747/26 DŽS od 26.01.2026. godine sa preporukom o izboru najpovoljnijeg ponuđača:

Ponuđač COSPEX d.o.o nije dostavio tražene uzorke (opisano na strani 12.tenderske dokumentacije, tačka 12.), kao ni traženi kataloški materijal. Iz gore navedenih razloga ponuda ponuđača COSPEX d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. MAX TRGOVINE d.o.o., sa ukupnom cijenom ponude u iznosu od 28.620,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku LOT 2 - nabavka sredstava i opreme za zaštitu ruku, glave, očiju i lica, sluha i organa za disanje, dao ponuđač MAX TRGOVINE d.o.o. jer je ponuđač dostavio ponudu sa najnižom cijenom prihvatljive ponude. Slijedom navedenog, dana 26.01.2026. godine donešena je Odluka o izboru najpovoljnijeg ponuđača, broj: 101- 753/26 DŽS.

Dana, 02.02.2026. godine na protokolu ugovornog organa je zaprimljena Žalba ponuđača Cospex d.o.o., te je u skladu s tim postupak nabavke obustavljen do donošenja odluke po navedenoj žalbi, a o čemu su ponuđači obaviješteni putem Portala javnih nabavki.

Dana 04.02.2026. godine ugovorni organ je donio Zaključak o odbacivanju žalbe ponuđača Cospex d.o.o., broj: 101-9082-2/26 AB, te je predmetni Zaključak dostavljen ponuđačima-učesnicima u postupku.

Ponuđač Cospex d.o.o. je dana 09.02.2026. godine dostavio Žalbu na Zaključak broj: 101-9082-2/26 AB.

Ugovorni organ je ocijenio da je žalba neosnovana te ju je prosljedio Uredu za razmatranje žalbi na odlučivanje.

Dana 06.03.2026. godine ugovorni organ je zaprimio dopis Ureda za razmatranje žalbi broj: JN2-03-07-1-247-4/26 od 04.03.2026. godine u kojem je navedeno da je Ured ustanovio da žalitelj nije dostavio dokaz o uplati odgovarajuće takse na Žalbu, te se predmet shodno članu 100. Zakona o javnim nabavkama vraća ugovornom organu na odlučivanje.

Postupajući po navedenom dopisu, ugovorni organ je dana 11.03.2026. godine donio Zaključak o odbacivanju Žalbe kao neuredne, broj: 101-2468-1/26 AK.

Istovremeno, u skladu sa Zakonom o javnim nabavkama, kao i Instrukcijom o načinu uplate i kontrole povrata naknada propisanih članom 108. Zakona o javnim nabavkama („Službeni glasnik BiH“, broj: 61/24) Uredu za razmatranje žalbi je upućen zahtjev za povrat naknade za pokretanje žalbenog postupka uplatiocu.

Napominje se da je, obzirom na dužinu postupka, ugovorni organ od ponuđača MAX TRGOVINE d.o.o. zatražio produženje roka važenja ponude, a što je ponuđač odobrio dopisom koji je kod ugovornog organa zaprimljen pod brojem: 601-2789/26.

Dana 17.03.2026. godine ponuđač MAX TRGOVINE d.o.o. je ugovornom organu dostavio dopis, broj: 601-2913/26, a kojim obavještava da odustaje od dodijeljenog ugovora.

Shodno prethodno navedenom, primjenom člana 72. stav 3., tačka (c), zatim člana 69., stav 2., tačke (d), („Službeni glasnik BiH“, broj 39/14, broj 59/22, broj 50/24), Komisija za nabavku je dala Preporuku o poništenju postupka.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 72. stav 3., tačka (c), člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22, broj 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.


DIREKTOR:
ZENICA
2 Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Tehnički direktor
- 1 x Dir.za razvoj i invest.
- 1 x Pom.direktora za pravne poslove
- 1 x Pom.direktora za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a